

I CILEMBO PA CIBUMBA

 Cena icine cine cisuma ukuba muno, muno lucelo, pali lino isabata. Bwena bushiku ubwabipa, lelo, cibe, cena lyonse caba li sabata ku myeo yesu lintu twatontontkanya pali Shikulu kabili nobusuma Bwakwe.

² Kabili nomba Ninanda, ileelo, ukutila nga Shikulu asuminisha, Ndefwaya ukushimikila i Mbila yamuno lucelo, nga munyinefwe...umucinshi wa kundeka ukukwata u—ukulongana muno lucelo, kabili twalalanda muno lucelo pali I *Cilembo Pa Cibumba*.

³ Kabili, muno bushiku, nga Shikulu asuminisha, Ndefwaya ukulanda pe sambililo, *Bushe I Chalichi Cikaya Ilyo Inshita Ya Bucushi Bukalamba Tailafika?* Kabili kuti Natemwa, nga tamukwete incende nangu imo iyo—iyo mwinga, ukuya ku chalichi ileelo, nangu muno bushiku, ukutila mwingesa muno bushiku ku mbila, *Bushe I Chalichi Cikaya Ilyo Inshita Ya Bucushi Bukalamba Tailafika?* Kabili Ine...Kwaliba ukulanshanya ukwingi pali ico, nga cakutila cikaba nangu iyo i—i Chalichi ukuya pali ilya nshita, eico tulefwaya ukulanshanya pali ico muno bushiku.

⁴ Kabili nomba Nalipela, pa cilimba, mailo, umutemwikwa wesu Munyina Neville acicita, cilya muno lucelo, nga kwaciba abali bonse abakupepelako, babe pano pa eiti koloko. Kabili umwana wandi aciya mukupela ifitupa, kabili tapali nangu umo, nakalya. Pa naini koloko, kwacibafye umuntu umo uwakupepelwako.

⁵ Nomba, muno bushiku, imb-...nangu ifitupa, ifitupa fyakupepelwapo, fyalapelwa. Ndi uwansansa ukumfwa ico. Ndi uwansansa ukumona ukutila baletyanya umuntu umo umulwele, uo Nalapepelako. Lelo kwaciba...Ukulongana mu bushiku...Ee, nalimo kwaciba ulucelo ulwabipa, kabili abantu tabacifuma ukwisa. Eico, muno bushiku, bena balapela ifitupa fyakupepelwapo pa sikisi sate muno bushiku, kuli abo. Nga...Ifwe—ifwe kuti twalanda kuli ico, lyena, apa kushintilishisha imbila yandi, nga cakutila kuti caba ukundapwa kwamaka yakwa Lesa nangu cinshi, pa...nangu ukucinja isambililo lyandi munshila ya bundapishi bwa maka yakwa Lesa, nangu nga kuba fye abalungami kwipusukilo lya myeo.

Nomba natukontamike imitwe yesu pakashita fye, mwipepo.

⁶ O mwe Lesa, Taata wesu umulungami nganshi, ifwe tuli abansansa nganshi muno lucelo, ilyo tuleisa umwashila Mwenu, ukulolesha mumulu, ukumona ifyo Mwaba abakalamba, nga fintu munyina acimba inshita iinono fye iyapitapo. Kabili uku Mumona mwasalanganya amapindo Yenu ayakalamba ukufuma

mulwelele ukuya mulwelele, nga fintu nyina kapumpe asenda abana bakwe ukufuma mu cinsa. Kabili ilyo fye talabasenda ukufuma mu cinsa, ena asunsha fye amapindo yakwe, nokuleka abana banono ukumona ifyo aba umukalamba, kabili ifyo aba uwa maka. Lyena bena kuti bacetekela mu mapindo yakwe, pantu bena balepanga ukupupuka kwabo ukwa kubalilapo ukufuma mu cinsa cabo.

⁷ Shikulu Lesa, ileelo, tuli abansansa nganshi ukutula kuti twalolesha mu mulu nokumona intanda mulwelele, no—no mweshi, kabili umusango ukalamba uwa kasuba ne ntanda ilyo fipilibuka mu kumfwana ukwapwilika nganshi, lyena tulemona ifyo Mwaba abakalamba. Kabili inshita ilefika kuli ifwe iyakusha ici cinsa ca ili isonde, kukukwata icishininkisho cakwishiba ukutula Uyo Uwabikile intanda munshila shashiko, Uyo wapangile imyuulu nesonde, icine cine kuti atungulula umweo wesu uwabula ubwafwilisho mucifulo ico Alaya, pantu kuti twamona ifyo Mwaba abakalamba.

⁸ Kabili ilyo tuleumfwa ukutula tuleikala mu nshiku shakulekelesha, lintu fye Ukwisa kwa ulya uwakupapusha u Mwana Wenu takulafika, ulya Kapususha uwatemwikwa, tulepepa, ileelo, ukutula Mwala twibukisha ifyo ici cili mupepi, ici cintu icikalamba. Kabili lekeni umweo onse uuli muno ufumye itontonkanyo lyonse limbi pali ino nshita. Kabili, Taata, twapepa ukutula Mwalalanda kuli ifwe ukupitila mu Cebo Cenu, ileelo, pakutula twingamona, ukupitila mumano ya bakasesema munshiku shapita, ifyo fye Ukwisa kwakwa Shikulu kuli ukwapalamisha.

⁹ Nga twabelenga amapepala yesu ayelyashi, no kumfwa ku filimba, natwishiba ukutula kuliko icilubene. Kabili ne mipashi yesu ilatweba ukutula icintu cimo conse calilubana.

¹⁰ Kabili tupeleni ileelo ico tulekabila. Pususheni abo, Shikulu, abo abengapusushiwa ileelo. Kabili undapeni abo abalekabila ukundapwa ileelo. Kabili tulepepa ukutula Imwe mwalaisula amatwi yesu ukumfwa i Cebo Cenu. Isuleni akanwa ka mubomfi Wenu nokulanda nomba ifintu ifyo fingalinga ku Chalichi Cenu pali ino nshita. Pantu twaipusha ici mwi Shina lya Mwana Wenu uwatemwikwa, Shikulu Yesu. Amen.

¹¹ Mulya mu Cipangano ca Kale, mwi Buuku lyakwa Daniele, chapitala 5 na vesi ya 25, Ndefwaya ukubelenga. Kabili imwe mwe balelemba Amalembo yenu. Kabili nomba tulelomba ubwelele pakutula tatukwete icifulo cakwikalapo icalinga ica abo abeminine. Ndefwaya ukubelenga ukufuma pa versi 25. Kabili lekeni Shikulu alundeko amapalo Yakwe.

*Kabili ubu e bupilibulo ubwalembelwe, MENE,
MENE, TEKEL, UPHARSIN.*

¹² Nga Malembo yesu, muno lucelo, yaletubweseshu mu Cipangano Cakale, ukubika ukutontonkanya kwesu pali ba

mineti abanono abalakonkapo pa cakucitika ice lyashi lyakale. Kabili twalishiba ukutula ilyashi lyakale lilaibwekeshapo iline imiku iingi. Kabili mukusambilila kwandi nomba, Ndebelenga muli ba *Bashifwe Bamunshita Ilyo Nicene Takulaba*, kabili kuti namona ukupita mu Malembo, ifyo ifwe tulebwekeshapo nakabili inkulo iyo iyapita.

¹³ “Kabili Amalembo yonse yapelwa nokusubwa.” Kabili Shikulwifwe uwapalwa atile, ukuti, “Amalembo te kuti yatobwe. Amalembo yonse yalingile ukufikilishiwa.” We citlaliko we ico, ukupela kuli ifwe fwe bantu ababelenga yalya Malembo, ukwishiba ukutula ifyo tubelengele tekuti fitobwe. Cena cilatupela umufula uwakosa nganshi ukutusha icitetekelo cesu. Kabili Ilembo lyonse lilingile ukufikilishiwa.

¹⁴ Lyena tulesanga, ukutula mukufikilisha kwa Malembo, i Cebo caliba icikalamba nganshi mpaka inshita ishingi Cilakwata ukufikilishiwa kubili, kabili mupepi na Conse cilabwekeshapo ukucila pa muku umo.

¹⁵ Mucakumwenako, muli Baibele, muli Mateo chapitala 2, Cena—Cena cilebelengwa, apo Calanda, “Ukufuma mu Egypto Ninjita umwana wandi.” Nga cakutula kuti mwabelenga ilyo Ilembo, nokusontelako, muli no kucisanga nakabili, ukutula Lesa aitle umwana Wakwe, Yakobo, ukufuma mu Israele... ukufuma mu Egypto. Kabili nomba cena pamo califikilishiwa nakabili lintu Aitle u Mwana Wakwe, Yesu, ukufuma mu Egypto.

Kabili Cena citwalilila fye ukuibwekeshapo icine, pantu Cena caliputwamo.

¹⁶ Nga cakutula Nakulembele kalata, iwe limbi kuti watotela pali iyo kalata. Kabili nga cakutula wanembela imo, Ndi uwashininkisha ukutula kuti Natotela. Lelo kalata yandi kuti yabafye kuli iwe. Eico nomba, panuma yakuyabelenga umuku umo, namwishiba ubupilibulo bonse, kabili inkalata tekuti ibe iyabula ukufikapo nakabili, umuntu umbi onse. Yena yalangilwefye kuli iwe; nangu iyobe kuli ine.

¹⁷ Lelo tacaba ifyo ne Cebo cakwa Lesa ica Muyayaya. Cena caliputwamo. Eico kanshi, Cena ca bantu bonse, munshita shonse, kabili ukukumanya imibele yonse. Cilya e cilenga Cena ukutwalilila ukuibwekeshapo Icin. Ngefyo ilyashi lyakale lileshinguluka, Lyena lilacilinganya nelyashi lyakale. Kabili Cena tacatala acilufya ubukankala bwa Ciko, pantu Cena Cebo ca Muyayaya icakwa Lesa wa Muyayaya. Cena tekuti cilufye ubukankala bwa Ciko.

¹⁸ Kabili icikope cesu muno lucelo cili mu Babyroni. Csuma nganshi kuli ifwe ukutula tuleshibilapo ifinono pali uyu musumba uukalamba. Kabili Nalebelenga nomba line pali Babyroni, ukufuma mu—mu...muncende umo yaikele. Kabili

Nalebelenga ukufuma mu lyakwa Hislop *Ba Babyloni Babili*, limo pali yalya amalyashi yakale aya mu Babyloni.

¹⁹ Babyloni intanshi yamonekela mu kutendeka kwa Baibele, elyo yamonekela pakati ka Baibele, elyo kabili yamonekela kumpela ya Baibele. Umulandu citendekela mu Kutendeka nipa mulandu wakutila Ukutendeka e chapitala ya lubuto iya Baibele. Apo epo ulubuto lwa fintu fyonse ifyaba pesonde, ileelo, lwatampile, mu Babyloni . . . mu Kutendeka. Njeleleniko. Kabili Babyloni yatampile mu Kutendeka.

²⁰ Yena mukubalilapo yasokwelwe na Nimrodi, uyo uwali mwana wakwa Hamu. Kabili yena mukubalilapo yaitilwe, “Impongolo sha Paradise.” Nomba yaleitwa Babyloni, kabili ishiwi Babyloni lipilibula, “Ukubwelela inuma.”

²¹ Kabili Nimrodi ewasokwele ici muli cimo ica fiputulwa fya mufundo ifya mwisonde. Kabili wali umusumba uukalamba. Kabili shasangilwe mu mipokapoka iya Shina. Kabili Shina aali. . . Umupokapoka wa Shina wali nincende iya mufundo nganshi mwi sonde ilyaishibikwa, incende ikalamba iya bulimi, shauli no Mumana uukalamba uwa Yufreti watapilishe impanga shauko. Tigrisi yalambalele ku kapinda ka kukulyo, ukuya mukati ka lupili, lelo Yufreti yatapilile Shina. Kabili palya pene pakati ka uyu mukonko, uyu musumba ukalamba walibyelwe, kabili wena wali umo pamisumba ikalamba nganshi iya buno bushiku. Yali nincende iyapulamo, kabili yaliswilemo abafya sayansi kabili na mano aye sonde ilyaishibikwa.

²² Umusumba wali ba mailoshi umwanda umo na makumi yabili ukushinguluka wena, ukusenda umusumba. Kabili ifibumba fyali amafiti imyanda ibili ukucilinganya, kabili ayengi amafiti imyanda itatu ukusansama. kuti mwabutusha amaceleta mutanda, yali amabeya namabeya, ukushinguluka ici cibumba, nokubutuka ukushinguluka icibumba.

²³ Kabili lyena umusumba, pamo walikwete muli wena, iikalamba, imisebo iyakulisha. Kabili iyi misebo yali mupepi nokulingana, nelyo ukucilapo ukulingana, nemisebo ya muno nshita iyamuli buno bushiku. Yali amafiti imyanda ibili mu bwipi. Ico conse cali iceni ku musumba wa shilye nshiku, pantu imisebo yali iyacepa, apakutifye akaliceleta akanono kapitilemo.

²⁴ Inshita imo iyapitapo, cali lishuko lyandi ilisuma ukuba mu Oslo, ku Norway. Kabili ukutentemukila ku ciputulwa cakale ica musumba, ica myaka ukucila pe kana limo, kuti mwafilwa ukupisha motoka mu misebo ya mu musumba, pantu imyendele fye iyo bakwete yali maceleta nangu bakensha waba kabalwe. Kabili uyo e musango imisumba yakale yonse yakulilwe. Lelo uyu Babyloni akwete imisebo iya mafiti imyanda ibili mubwipi. Imilalo ya bashilika kuti yapita ne fyanso fyonse, kabili yonse

yaleenda amabeya namabeya, kabili amafutu imyanda ibili mu bwipi, amaceleta pa numa ya maceleta.

²⁵ Kabili yakulilwe imo pa musango wa Roma, ileelo, apo Babyroni wa muno nshiku aikala. Cila musebo waletwala ku citungu ca bufumu ne cipuna ca bufumu, Ndepilibula, icipuna ca bufumu. Icipuna ca bufumu cali icifulo icikalamba mukati ka musumba. Kabili kuntanshi ya cipuna ca bufumu, emwapitile umumana ukalamba uwa Yufreti.

²⁶ Kabili impongolo ishikalamba isha muli uyu musumba, amafiti imyanda ibili mu bwipi, kabili namamita umwanda umo na makumi yasano nangu imyanda ibili mubutali, ifyapangilwe ku mukuba uwakosa.

²⁷ Oh, wali musumba uukalamba nganshi! Kabili monse mufibumba fyauko, walikwete amabala ayakalamba ayale lebela. Kabili aya mabala yali fifulo ifisuma ifyakusangalilamo.

²⁸ Kabili mu musumba bapangile ukuti kuti baikala mupepifye nenshila iili yonse iyo balefwaya ukwikalilamo. Eico batontonkenye ukutula, kanshi, nga kuti bacita ico, bena kuti bakula ulupungu ulwasansama nganshi, ukutula nga cakutula ilyeshi lya menshi yabupingushi lyaisa, ukutula bena kuti babutukilafye pacamba, nokuba abacingililwa.

²⁹ Bushe mulemona? Cena cikope fye ica America mupya, ukwesha ukubula cimashini camilabasa ci sputniki nangu cimo, nokufika pamulu wa mweshi, ukutontonkanya ukutula kuti twaba abacingililwa. Lelo Lesa alakumona, te mulandu neko uli.

³⁰ Kabili muli uyu musumba, balikwete imisango yonse iyafipe fya lubumbu. Kabili ilyo icifulo icili conse tatontonkanya ukutula calicingililwa, lyena ubunkalwe no bubifi filengilamo. Balikwete aba sayansi abaishibisha mwi sonde. Balikwete ifita ifyaishibisha mwi sonde. Balikwete amaceleta ayawamisha mwi sonde, abaume abasambilishiwa nganshi abo abaliko. Kabili aba sayansi, kabili na fyonse ifya bulwi, bena bali abaishibisha. Bena bali abacilishapo pafyalo fyonse ifyashala. Kabili bena, mucine cine, imitundu yonse iyashala yalelolesha kuli bena, nangu ukubafukamina bena.

³¹ Kabili lintu icalo caba muli iyo imibele, nomba bena batontonkanya ukutula kuti bacitafye ico balefwaya ukucita, nokuba pamo neco.

³² Lelo, ibukisheni, te mulandu ifyo ifibumba fili ifyasansama, Lesa alolesha panshi ukufuma ku Myulu. Kabili Lesa alipata ulubumbu. Alitemwa umubumbu, lelo Apata imilimo yakwe, ulubumbu.

³³ Kabili muli uyu musumba ukalamba, baishileba ababipa nganshi. Bena batontonkenye ukutula, “Ukuba, ifwe kuti twacita fye icintu icili conse ico tulefwaya ukucita, pantu takuli nangu

cimo icingatucusha.” Nga cilya tacilifye icikope ca calo cesu, ileelo, ukukanafye Lesa!

³⁴ Nomba, balikene uluse lwakwa Lesa kunuma kulya, nao. Balikwete kasesema muli ulyo musumba uwe shina lyakwa Daniele. Kabili imwe kuti mwaelenganya umuntu wakwa Lesa, ukumona ulubembu nefyakubomfya, ngefyo cali, alibilikishe ukususha cena. Lelo bamusekelefy, kwati kutontonkanya ukutila, “Uyu muntu umukalamba taishiba ico alelandapo.”

³⁵ Kabili efyo caba ne lelo, ukutila abantu besu aba buno bushiku na baba abashasakamana nganshi pali Lesa, mpaka twaumfwa ukutila kuti twaikalafye umusango uuli onse tulefwaya ukucita nokutwalilila na cena. Lelo te kuti mucicite. Imwe tamwakatale cita ico. Lesa akapingula ulubembu.

³⁶ Umo muntu atile kuli ine, inshita imo akale, atile, “Kashimikila, umufula wesu uwa America washimpilwe pa—pa katina no mucinshi wa fikolwe fyesu. Bena bali abantu bakapepa, eico kanshi Lesa ali no kucingilila ici calo inshiku pe.”

³⁷ Takakwate umucinshi naumbi kuli ifwe ukucila ifyo Acitile kuli Israele. Israele ali abaitwa Bakwe kabili abantu abasalwa. Kabili ilyo babyele, basombwele ifyo babyele. Kabili ico cilaya kuli cila muntu. Temulandu ifyo ichalichi tulanda ukubako cingaba icamushilo, nangu ifyo twesha ukwikala bwino, Lesa alikwata umulimo ku Cebo Cakwe, ukutupingula umwabela ico Alanda.

³⁸ Kabili Nalilanda ici. Nga cakutila cino calo capusuka kubupingushi, Lesa ali uwashingamwa ukwimya Sodomu na Gomorra, nokulomba ubwelelo pakuyebisha nokuyoca, pantu tulifye ababipa nga Sodomu na Gomorra. Kabili nga cakutila Aibishe Sodomu na Gomorra, nokuboca, pamulandu wa membu shabo, kabili Tabombele munshila imoine pamo naifwe, lyena kuti Aba uwabula umulinganya nokukabilwa ukulomba ubwelelo.

³⁹ Lesa talingile ukulomba ubwelelo ku muntu nangu umo, nangu icintu icili conse. Ulubembu lukapingulwa. Kabili lwena lukapanikwa, nga filya fine fye kwaba Lesa Uyo uwinga pingula. Kabili ubupingushi bwakwa Lesa bwa mushilo. Lesa wa mushilo. Kabili, eico kanshi, ubupingushi Bwakwe nemilimo Yakwe ilingile ukuba iyalungama kabili iya mushilo, pantu cilesa mukuba Lesa uwa mushilo, pantu imilimo Yakwe no bupingushi Bwakwe.

⁴⁰ Kabili, oh, ifyo uyu musumba, uleendauka mulubembu! Ifyo icalo cesu, ileelo, cileingila mulubembu! Ifwe tutontonkanyafye pantu ifwe tuli ba Presbyteriani, nangu ba Baptisti, nangu ba Pentecosti, nangu icintu cimo, ifyo efyo Lesa afwaya. Ena akabila ubupingushi. Kabili ico ecintu fye cimo ico amafunde Yakwe yali nokwi- . . . ukwishibikwa, bupingushi. Ena tacindika icilonganino.

⁴¹ Mwi Buuku Iya Milimo ya Batumwa, chapitala 10 kabili na vesi ya 35, kasesema atile, “Ine nailuka ukutula Lesa tacindika icalo nangu umuntu, lelo akasumina abo abali noku Mubombela mu bulungami.” Te mulandu ne chalichi ico mwabako, Lesa alesubila imwe uku Mucindika. Kabili Alefwaya imwe uku Mubombela mubulungami. Nga twafilwa ukubatulila i Mbila nsuma, nomba Lesa akabapingula umwabela ukwishiba uko bakwete, kabili nefyo bali abapokelelwa kuli Ico.

⁴² Oh, libe ilyapalwa i Shina Lyakwe! Nga fintu mwingomfwafye, muli buno bushiku ubo tuleikalamo, icintu cimo cilifye mupepi nokucitika. Oh, Ndelolesha nokwenekela ukukalamba pa lucelo lumo ulwa bukata, pantu amafya yakapwa kuli bonse, kabili Shikulu uwapalwa akesa. Kabili tukolwilwa mu mulu, muku Mukumanya mulwelele. Oh, cilingile ukuba amapange yene aya mutima onse, kabili amatontonkanyo yene aya mutima onse, ukulolela ilya nshita, ukumona ilyo amafya yesu nefyakwesha fyapwa. Kabili ilyo . . .

⁴³ Tulepilibula amatontonkanyo yesu nomba ku Babyloni, nakabili, pakutula twingatulilila ne Mbila yesu. Tulesanga, muli uyu musumba ukalamba, ukutula ilyo bali abacingililwa, takwali icalo icalefika kuli bena. Mulandu nshi, balikwete ifibumba fya ma futu imyanda ibili ifyakupulamo, amafutu amakumi yabili ukufika mu mulu, ne mpongolo ishikulu isha mukuba ifyo cali nokutwala ibumba Iya bashilika ukusuntinkanya. Bali abacingililwa bwino. Tabakwete ukukabila ukwakusakamana icalo icili conse. Nomba, ico iciputulwa cali icalungama. Lelo ilyo babika ulubembu mulya, lyena, ibukisheni, Lesa kuti alolekesha ukuli konse no kumona imwe, te mulandu ifyo mwaba abacingililwa.

⁴⁴ Kabili Ndefwaya ukulanda ici. Kwaba fye inshila imo iya mwina Kristu ukucingililwa, ilya yaba, ukupitila mu Mulopa wa Mwana wakwa Lesa uwa mweo. Ico e cintu cimo ico Ena tekuti aloleshemo nokupingula. Nga cakutula iwe naufimbwa no Mulopa, nomba Lesa tekuti akumone iwe. Atile, mu Malembo, “Ilyo Nkamona umulopa, Nkamucilila. Nkamucilila.”

⁴⁵ Lelo aba bantu tabasakamene pali cilya. Bena balikwete bukapapa bwabo abene, eico balikele kuli bena. Namwishiba, “Kwaliba inshila iyo iimoneka iyalungama ku muntu, lelo impela yaiko ni nshila shamfwa.”

⁴⁶ Nomba, muli uyu musumba, balikwete imfumu iyali ni imo pali aba balumendo baleelo abatolauka, oh, cimo icapala ba kasekesha bapa mulabasa, Arthur Godfrey wesu uwa nomba, nangu Elvis Presley, nangu umuntu umo uwaba ngefyo. Oh, aali umukalamba, umulumendo icine cine. Kabili atemenwe inshita shakwe ishikalamba, eico ali nokupanga amalila ye bumba ilinono ilyakushana ukuya kuntanshi nakunuma kubantu bakwe bonse.

47 Oh, nga ico tacaba citipu! Kabili ukutontonkanya ukutula abaume na banakashi, abo abaita palwabo ababomfi bakwa Kristu, bafwile bacita ifintu ifyaba ngefyo, amaseleti mu ng'anda yabo, pali ba mashini babo. Ukuposa ifintu ukufuma pa ciibi!

48 Kabili uyu muntu atontonkenye ukutula, "Ukuba, nomba, ifwe twalakwata fye inshita iikalamba ikulu." Kabili ena atumine ubwite ubukalamba kuli bonse abacindama. Asalilepo abasalwa bakwe, abo abaleshana bwino, na banakashi abo bali abayembesha. Kabili abaletele bonse mwibala ilikalamba ilya lepelela, kunumafye yesano, ku masha ayapya. Kabili bali nokukwata ukwangala ukwingi. Kabili abashilika bonse, kabili bonse fye, balikolelwe nganshi. Nga ulya te America mupya, Nshinshibe apo abelele. Eico balikwete inshita ikalamba. Kabili ba ambwishe ifyakukobaika fyabo ifyabeka, kwati fye bwangalo ubusuma ubwapa citunshi tunshi.

49 Kabili bena bali kunuma kulya, abanakashi, ukwabula ukutwishika, na bakasunga ba bana pa ng'anda, abalelela abana babo. Kabili Baibele itila, "Ena aitle bonse abakumbali bakwe." Kabili *umwanakashi wapamumbali* ali uwapelwa insambu "cilende." Kabili ubupusano fye bwakuti, ileelo, bacili icintu cimo cine, lelo teba mu mafunde. Kabili balesha abana babo ku ng'anda na bakalela wa bana, kabili bafwele ifyakufwala fyabo ifipya, ifyakufwala fyabo ifipya, amasiketi yabo ayanono kabili nafimbipo. Kabili bena baile ku malila ya mfumu, nangu amalila ya nyimbo shakushana ukuya kuntanshi nakunuma.

50 Oh, bushe teti mumone America muli cilya cine cifulo? "Oh, imfumu yalicisuminishe, eico cilingile ukuba fye bwino. Nge mfumu ilecimita, ukuba, ico cilecipwishisha." Ukuba, pantu fye America ilamileka ukushitisha wiki, fwaka, fwaka wa mabula, nobwalwa, ico tacilenga cena ukuba icalungama, mu cinso cakwa Lesa. Lesa ali nokupingula ulubembu. Mwatila, "Ukuba, icalo cesu cilacishitisha." Lelo mulingile ukukwata ifunde iline line ilya mwaume no mwanakashi, nokutaluka kuli cena. Icalo cesu citungululwa na ciwa, nga fintu ifyalo fimbi fyonse fyaba. Baibele isosa ukutula efyo baba. Eico tekuti muye mu nshila i-icalo citekwa.

51 Satana atile, "Yonse aya mabufumu yandi. Ndi nokucita nabena ifyo Ndefwaya ukucita." Kabili atile kuli Yesu, "Ndi no kufipela kuli Iwe nga kuti Wampepa."

52 Yesu alishibe ukuti Akaba nimpnyani kuli bena, mu Myaka ikana limo, eico Atile, "Calilembwa ukutula, 'Ulepepa Shikulu Lesa obe, kabili Ena fye eka eo wakulabombela.'" Uko kushimikila ukusuma ku chalichi, ukucalapo kuli Satana. Te mulandu ifyo mwakwata, ifwe twalyebwa ukupepa Shikulu Lesa wesu, kabili Eka fye eo tukabombela.

⁵³ Eico imfumu yapangile umutebeto uukalamba. Kabili yateyenye fyonse ifyakulya, nobwalwa bwabo ubwawamisha, nemyangashi yabo. Ukubilisha ukwine kwine, eko bakwete. Kabili ali nokukwata inshita iikalamba nganshi. Kabili aitile bonse abakashana bamu Hollywood, nabonse. Kabili bonse baishile, naba kashana abasuma abo bakwete. Bonse bali muli ili bala ilikalamba kunse kulya, ukuikwatila abene ukushana kwakuya kuntanshi nakunuma ukwanomba. We nshita we! Ukushana, ukunwa, ukusangalala!

⁵⁴ Bushe Baibele taisosa ukutula bakaba muli ulya musango? Atile, “Bakaba bacintalika, abatumikwa, abatemwa ukwangala ukucila ukutemwa Lesa; abatalama, abashakwata ukuiteka, abankalwe, kabili bakasusha ba balya abali abalungama na Lesa.” We bushiku we ubo tuleikalamo! Nomba Ndefwaya imwe ukushinamo kampingu wenu uwa bumupashi.

⁵⁵ Cali ni muli iyi nshita, ilyo bena bakwete fyonse ifi, kabili i...Kuti Namona fye ba—bana mayo imisepela nobwalwa bwabo, balenwa. Kabili bena baleshana iyabo—iyabo iyakuya kuntanshi nakunuma nangu boogie-woogie, balekwatafye inshita ikalamba kunse kulya, ukulashana. Kabili balya abashilikale abakolelwe baleshingulusha abanakashi, nokubapalamikila kuli bena, nokubabika pa molu yabo. “Kabili balekwata fye amangalo ayanono ayabusaka.” Ico eco America acita ileelo, “Ukwangalafye ukunono ukwabusaka.” Cena lubembu!

⁵⁶ Baibele itila, “Umwanakashi uwikala mu mangalo alifwa lintu acili no mweo.” Kabili inshila abanakashi besu aba mu America baonawilamo imibele yabo, ukufika apo tabaishiba bwino bwino ifyo ishiwi *imibele* lipilibula.

⁵⁷ Kabili Nalebakonka, palwa cena, te kale sana. Kabili umwanakashi atile kuli ine...Nalimwebele. Natile, “Mulafwala filya ifyakufwala umusango mucitilamo, ukaasukilapo pa Bushiku bwa Bupingushi pakucita ubucende.” Ali umwanakashi uwaupwa.

⁵⁸ Atile, “Nalakulenga umfwikishe, Munyina Branham, ukutula Nshatala citapo icintu nangu cimo icalubana.”

⁵⁹ Natile, “Lelo bushe umuntu umbi uyo uwaloleshe pali iwe acita icintu icalubana? Pantu Yesu atile, ‘Uyo onse ukalolesha pa mwanakashi nokumukumbwa, nacita nankwe ubucende kale mu mutima wakwe.’ Nomba lintu ulya umubembu akasukila pa bucende, iwe ukaasuka nga umo uwamulandu, pantu waliipeele kuli ena muli iyo nshila.”

⁶⁰ Mwatila, “Ukuba, Munyina Branham, balashitisha ifyakufwala fya musango ngoyo. Uyo e musangofye umo bashitisha.”

⁶¹ Bena bacili baleshitisha ba mashini ba kubililako. Bena bacili balikwata ifipe. Cena ca nsoni ukumona inshila,

abanakashi besu aba buno bushiku. Imwe mwe banakashi ba Pentecosti, ifyo caba icamusebanya!

⁶² Kabili iwe we mwaume, iwe we mwaume wa Pentecosti, uyo uli nokuleka umwanakashi obe ukucita nga ifyo, ico cilelangisha umusango wa mwaume iwe mucine waba. Iwe ufwile ukuba umutwe wa ng'anda. Oh, wecasoni we!

⁶³ Watila, ukuba, umukashi obe alapeepa fwaka. Cinshi camutwele muli ico mukubalilapo? Ena ali mucilubo mukucita ico. Ena aleipela sumu umwine. Aleonaula abana benu. Ena aleonaula ulupwa lonse. Kabili ica musebanya ku Chalichi cakwa Lesa wa mweo!

⁶⁴ Kabili imwe mwe baleleka abana benu, abakashana benu abacaice, ukufuma na aba abalumendo abalefuma kuno muli ifi ifyakucita ifya kuya kuntanshi na kunuma. Casoni kuli imwe, bamayo na bataata! Mwatila, "Ukuba, bacita fye ngefyo balefwaya." Mucili mwalikwata ishintililo.

⁶⁵ Ninkwata babili pamulu palya. Nshishibe ifyo bali nokuba. Lelo nga uyu muntu umukote, Branham, aikala inshita itali iyalinga kabili asunga amano yakwe ayalungama, kuti baya lelo bakaba abaisulamo ifitusha ilyo bali kulya.

⁶⁶ Cena casoni! Kwaliba abana abengi aba mucani abafyalilwa mwi sonde ileelo, mu America. Cila mwaka cilaleta abana abengi aba mucani ukucila ifyo inkondo shaletele mu myaka ine iya kwipaya. Oh, cena cishibilo icikalamba ica nshita ya mpela! Cena mucine efyo cili.

⁶⁷ Nomba Ndefwaya imwe ukumona iyi mfumu. Oh, ena ali umuntu umukalamba. Oh, ali ni Arthur Godfrey umusuma, ne mipulwe yakwe yonse iya fiko.

⁶⁸ Kabili imwe mwe banakashi ukwikala ku nga'nda, mucifulo ca kusenda inshita yenu ku kuya mukulongana kwa mapepo mu—mu lucelo, mwabikapo cintomfwa wa musango uyo nokumfwa kuli ena, kabili noku ita mwebene umwina Kristu. Cinshi ico acita lelo nalala palya pamo na bakashana, ne fintu! Mulandu nshi, ena enkongole ishikalamba isho cino calo tacakwatapo. Oh, ee, "Ena mwina America wacishinka." Nga cakutla imwe mwaita ulya umwina America, ena aba... Ena limbi kuti aba umwina America umusuma, lelo ena aba ukutali ukufuma ku bwina Kristu. Lelo tamwakwata inshita iya kulongana kwa mapepo nangu ukubelenga Baibele. Nomba bushe mulemona apo tubelele?

⁶⁹ Balya abanakashi, balya abekashi banabo abali kulya pamo ne mfumu bulya bushiku, nga bena balyumfwile kuli Daniele, bena nga tabaliko kulya.

⁷⁰ Lelo moneni ilyo amalila yaletwalilila, namwishiba, kabili bena bonse baishilekaba nganshi, nemyangashi shabo ishawama nama whisky nobwalwa, ifyo bakwete. Kabili nomba batile,

“Lekeni tukwateko icakusekesha.” Oh, ee, uyu Arthur Godfrey wa muli shino nshiku alefwaya ukupanga cimo palwa kwa kashimikla wa mutwe wabula umushishi, nangu icintu cimo, mwalishiba. Eico atile, “Twalaya nokuya senda ifipe fya mu ng’anda yakwa Lesa wabo, kabili twalakwatafye icakusekesha icinono.” Ico nga tecakusekesha capa mulabasa nangu pa citunshi tunshi, Nshatala monapo cimo.

⁷¹ Mwamona, umuntu alafwa, lelo umupashi ulatwalilila ukubapo. “Oh, twalalanda fye cimo pali *ici*, *ico*, nangu *cimbi*, pakukwata icakusekesha icisuma.” Kuno Nabomfwile ubushiku bumbi, pa mulabasa, baleimba *Ilyo Abashila Baya Baleingila Mukati*, mukutolauka; *Lintu Namona Umulopa*, muli boogie-woogie. Wecansoni we! Bushe muletontonkanya Lesa uwa mushilo kuti aumfwa kuli ico, kabili ukuba uwalungama nokukana pingula cena?

⁷² “Lelo tuli abacingililwa! Tuli calo icikalamba. Twaba abakulishapo mwisonde!” Nabo bene eflyo bali. Lelo finshi fyacitike?

⁷³ Atile, “Kabiye uye senda filya fipe kabili leka tukwate inshita isuma.” Kabili balile senda ifipe fyakwa Shikulu, ifintu ifya mushilo.

⁷⁴ Icili, “Imwe muli cipe cakwa Shikulu.” Imwe muli cipe cakwa Lesa, uko Ena apongolwela mu Mupashi wa Mushilo Wakwe.

⁷⁵ Kabili batile, “Lekeni tukwate ifyakusekesha pali bena, kakunkuluka wa mushilo.” Eico balaya no kuyasenda, no kwisusha imbale shabo, nangu ifyabo...ifintu, no—no mwangashi. Elyo kabili uyu Arthur Godfrey uwa nshita iipya, ilyo abakashana baikele pamolu ya bashilika, no kulapanga “whoopie,” kabili ukukwata inshita iikalamba, kabili—no kusekesha kwabo no kutwalilila. Kabili limbi umulume pa ng’anda, alelela umwana; kabili limbi u—umwanakashi pa ng’anda, alelela umwana, nomulume wakwe cakolwa mulya; aalifye nalimo citika na citika.

⁷⁶ Kabili balya bali palya, yonse iyi nshita iikalamba, abacingililwa bwino, tapali nangu cimo icingabasakamika. Icine cine! Icalo icakwatisha ululumbi pesamba lya myuulu, bena bali. Bonse aba sayansi abakalamba bali muciputulwa cabo. Fyonse ifyakulanda ifikalamba ifyabulwi fyali pesamba lya butungulushi bwabo. Bena bali kunuma ya fibumba, eico tapali nangu cimo icinga bacusha. Bena balikwete inshita isuma.

Tabaishibe ukutila Lesa kuti alolesha pali bena.

⁷⁷ Kabili mulya muli cilya, iyi mfumu yanomba pamo ne mipulwe yakwa Elvis Presley, nokwimba, limbi balebakwata inshita iikalamba. Eico atile, “Fumyemi balya bakakunkuluka wa mushilo kabili muleke tukwateko icakusekesha.” Eico aitila

umwangashi mucipe, kabili alenwa, nokutila, “Oh, uyu umo usuma!” Fyonse ifyakukobaika! Kabili bonse muli bena, “Ee, ico cisuma!”

⁷⁸ Kwati ni America ileelo, nabamo bakapoli ababola, nefyaba ngefyo, abo bakwata pacitunshi tunshi napa filimba. Kabili munshita yabo ipya...Kabili imwe mwebantu mwe baita mwebene abena Kristu, abomfwa ku fintu fya musango filya, nomba imwe kuti mwamona apo twiminine. Imwe ba Methodist, ba Baptisti, na ba Presbyteriani, imwe ba Pentecosti abasuma, icintu cimo calicitike kuli imwe. Ifyakukabila fyenu fyalilubana, pantu icili mu mutima obe ukacita. Teti mucite...

⁷⁹ Ico teti cibe icakusungusha icikalamba kuli ine, ukumona inkumba pa mwina wa mufundo, ukulya. Iyo emibele yaiko. Lelo icine cine kuti campapusha...Nshatalile mona, kabili nshakatale mona, impaanga ilelya pamo na yena, pantu icifyalilwa muli ena calipusana.

⁸⁰ Tamumona abena Kristu balecita ifyo fintu. Imibele yabo, imibele ya Mupashi wa Mushilo uukalamba, teti ibaleke ukucita ifyo fintu. Baibele itila, “Nga mwatemwa isonde, nangu ifintu fya mwisonde, ukutemwa kwa kwa Lesa takwaba muli imwe.” Nomba kuti mwaipingula mwebene, nangu i Cebo kuti ca mupingula. Nga mwalitemwa ifyo fintu, ukutemwa kwakwa Lesa kwalifuma pali imwe.

⁸¹ Lesa alikwata icifulo ca ntanshi nangu takwata icifulo nangu cimo. Lipalwe i Shina Lyakwe! Ndi uwansansa nganshi pali ico. Ndi uwansansa ukutila Alipwililika kabili uwamushilo. Ifwe kuti twabika isubilo muli Ena. Ena talanshanya nangu cimo. Ena ni Lesa, kabili Lesa eka. Cena tacili...Ena takese kuli ifwe; ifwe tulingile ukupima kuli Ena. Tali nokwisa mu matontonkanyo yesu; tulingile ukupima amatontonkanyo Yakwe. Tali nokumfwa kumafunde yesu; tuli nokumfwa kumafunde Yakwe.

⁸² Lelo, mucine, kuti twacitafye ifyo tulefwaya ukucita. Kabili Ndelanda ici nomucinshi. Nainte pesenti yaba kakumba, baba uwanaka nganshi, bena teti bashimikile ukususha cena. Cena litikiti lya cakulya kuli bena. Kutu natemwa ukuba nensala citika, nokufwala imifuko ya fyani ku kufimba ubwamba bwandi, nokushimikila i Mbila nsuma, Icine, ukucila ukulalya inkoko yasalulwa imiku itatu ubushiku bumo nokulanshanya pamo nefisoso fyakwa ciwa. Ukufika pa kuba umuntu umukote; kabili Naiminine pali Ici ilyo Nali umwaice. Ndefwaya ukwiminina uwabulamba ukucilapo nomba, pantu Ndemona inshita naifika. Cinshi ico muletontonkanya bakasesema aba mu Cipangano ca Kale benga cita nga baliimine ileelo? Lolesheni ku mibele!

⁸³ Kabili uyu muntu ne botolo lya mwangashi, alenwa, nakwata inshita iisuma. Atile, “Pali miniti fye. Imwe bonse, imwe bonse

umfweni kuli ine. Asheni ifilimba fyenu nomba.”

⁸⁴ Ifintu ifya musalula, ifyalamba ifintu ifyatapa ifyo basuminisha, amapulogalamu ayashafumishiwamo ifyabipa! Nililali catendeke? Lolesheni kunuma ukupita mwi lyashi lya kale. Catendeke kunuma kulya mu nshiku shakwa Clara Bow. Kabili ilyo uyu upanga, umwina Texas uwabula umupashi afumine kulya nokupanga ifyakufwala fya mukati ifya aba banakashi ifyalengele ukutula balemoneka aba nsuna, kabili ici catendeke. Ulwimbo lwakubalilapo ulwabipa ulo balekeleko, lwali pali bana mayo abaletentemuna insokoshi shabo nokulangisha amakufi yabo ayasuma. Balipitile neco, kabili nomba tacafumishiwamo. Bena kuti balanda nokucita ifyo balefwaya ukucita. Ciwa alisenda icintu ukwabula ukulishapo ulupolopolo. Ico nacilungama. Cinshi ico muleton-tonkanya balya bacilende bamu Hollywood, kumbo, ileelo, nga kuti bacita nga bena kuti babwela? Kuti bacilenga ukuba icapusanako. Lelo ulongolo lwabo pe sonde lwabika icalo mu mulilo wa bonaushi.

⁸⁵ Oh, libe ilyapalwa i Shina lyakwa Shikulu! Cinshi ico ulongolo ulwa Chalichi cabena Kristu lufwile ukucita? Ukupanga isonde ukubilima no bwina Kristu! Lelo, mu cifulo ca ico, ifwe tulesha ukubakonkelela. Kristu ecakumwenako cesu, kabili te kalapashi umo uwamu Hollywood, nangu kalapashi umo uwamu fitunshi tunshi.

⁸⁶ Lelo tuli bashino nshiku. Tulapeepa ba Pall Mall, kabili mukaya ku mbo pakucicita. Ifikope fya bakashana kunse uku, nafwaka, abanakashi abamoneka-bwino, bulya bufi bwakwa ciwa. Lolesheni pali ena, imyaka inono panuma ena yaku peepa, ali ne Ntanda Bwanga, nalambalala kulya, alefwa, uwabulanda. Lelo ca muno nshiku. Kuti bacibika ku ntanshi ya bantu bacaice.

⁸⁷ Kabili nga mwabika icikope ca kundapwa kwa maka yakwa Lesa, nangu icintu cimo, nangu icakwa Kristu, bena teti ba musuminishe ukucicita.

⁸⁸ Lelo tuli bamuno nshiku. Tulingile ukuya nge sonde lyonse ilyashala. Fyonse ifishibilo ifikalamba ifya bwalwa, iyakwa Oertel '92, kabili Pabst Blue Ribbbon, kabili na fyonse filya. Finshi bacita? Bacibika pali pulogulamu yapa citunshi tunshi pantu tacisonkela umusonko. Ciwa efyo acipanga muli uyo musango.

⁸⁹ O mwe Lesa, beni no luse. Bushe ta mulemona, mwebantu, ukutula tuli kumpela ya musebo?

⁹⁰ Ifyo ciwa aibikamo muli ifyo fintu. Alicisuminsha pantu alishiba ukutula inshiku shakwe shalipendwa.

⁹¹ Eico uyu umulumendo ne kalasi lyakwe ilya mwangashi, alelipindika ukuti omane nelayaumbi itambula. Oh, owe! Ndeingililamo umuntu onse alefwaya ukucita kwati ni ena.

⁹² Moneni abana baume abanono mu masukulu, ilyo batentemuna ama ofoloshi yabo ayanono panshi ukucila intungu shabo, kabili ukuleka imishishi yabo ukukula nge bumba lya fiwelewele, ukucita nga Elvis Presley.

⁹³ Lesa apale ulya umukalamba uwa ilya koleji ubushiku bumbi, ulya watile, “Iminina nokufwala ngo mwaume, nga teifyo uli nokufuma muli iyi koleji.” Ulya mwina America umwine mwine. Atile, “Lintu bafwala ngefyo, bacita ngefyo.” Kabili ico e cine.

⁹⁴ Kabili ilyo mwafwala nga cilende, mukacita nga umo. Oh, walikwata ifingi ifyakucita, musango wa mupashi uuli muli iwe. Mucine. Wena ulakulenga ukucita ico cili muli iwe. Ulamulenga imwe ukufwala, no kucita, nokuba no mweo. Conse icili muli imwe, cila mutungulula. Mucine.

⁹⁵ Lelo nomba ena naimya ikalashi lyakwe mu mulu. Oh, ifyo ena ali mukumwentula kwakwe ukukalamba, ukushana kwakwe ukunono ali nokucita ku cinso ca bantu bonse. Ilya te pulogulamu yapa citunshi tunshi iisuma? Bushe—bushe Hollywood nga tayaile kuli cilya icakucita? “Oh, Ndemyeba,” atila, “ici eco twalacita. Namwishiba lilye bumba lya bakakunkuluka wa mushilo abo ifwe twalekwata kuno lubali?” Mwamona?

⁹⁶ Kabili pali ilya ine nshita atampile ukunwa, aloleshe kucibumba. Namwishiba, mwibala, mwali ifyakutekapo inyali ifikalamba ifyalelebeli. Kabili mwali icipampa pacibumba. Kabili ama laiti yalesanika kuli ici cipampa, ukufuma mwibala. Kabili amenso yakwe yafumine kunse. Kabili aishile ba uwasunkanishiwa nganshi. Baibele yatile alicitile, yalandile ukutula, “Amafupa yakwe yafumine mufilundwa, nokuipuma pamo.”

⁹⁷ Ee, kabili bumo muli ishi nshiku, cino calo cili no kutenshiwa conse, mucine nganshi. Oh, ee. Mucine.

⁹⁸ Batile, “Balya bakakunkuluka wa mushilo, balya bakondapa ba maka yakwa Lesa, ukutula, *ici, ico*, kabili *icibiye*,” fyonse ifyo baba. Loleleni fye. Lesa mulungami.

⁹⁹ Ena ali nokutuma i Mbila, nangu cibe ifyo. Ena alicitile ico munkulo shonse shimbi. Ali nokucita ico nomba. Kabili Alecita ico, kabili nokupuputulwa kuli mupepi nokupwa. Muleibukisha, cali ni EFYA SOSA SHIKULU. Natile, “America apangile ukusala kwakwe ukwa kulekelesha mu 1946.” Moneni ukutula lilya. Eena aliya. Kabili takuli nangu cimo icisheleko kanofye ubupingushi ne cimfulunganya. Moneni ifyacitika muli ilya nshita iikalamba. Moneni fye ico, ifyo cikatwalilila bwangu kabili bwangu. Tuli kumpela. Tuleikala mu finshingwa ifya Kwisa Kwakwe.

¹⁰⁰ “Kabili kukaba ifishibilo mummyuulu na pesonde. Imitima ya bantu ilefilwa; ukutina, ukusunguka kwa nshita;

amacushi pakati ka fyalo.” “Ifyo abantu bakaba bacintalika, abatumikwa!” “Ifyo abana banakashi ba Sione, ichalichi, bengenda mu cilumba, abatumikwa; ne nshila aleendamo, nokuiputaula kabili ukuipomba ilyo aleya.”

¹⁰¹ Nipesa tuli? Tuli pamo namalila ayakalamba ayakwa Beleteshasa aya kushana kwakuya kuntanshi nakunuma. Kabili ne chalichi calisendwa kumabimbi, ukupitila mucitunshi tunshi, ukupitila pa cilimba, ukupitila mu Hollywood. Kabili apo epo twaba. Abanakashi abene bene abena Kristu ukuputula imishishi yabo, ukupenta kalaso pa finso fyabo, ukufwala ifyakufwala ifinono ifyalamba, pantu abantu abanangwa balabeba ukutila tamwaba ububi muli cena.

¹⁰² Umwanakashi umwina Kristu, kashimikila, atumine umukashana kuno ubushiku bumbi, camoneke kwati apongolwelwe fye mu fyakufwala fyakwe. Atile, “Oh, Munyina Branham, iwe wafuma kwisukulu lyakale. Kakumba wesu alalubula abanakashi.”

Natile, “Ukubalubula ukufuma kuli cinshi?”

¹⁰³ Balebalubula ukufuma kuli Kristu nobucindami bwa cikaya. Oh, uwalumbuka nganshi, umwanakashi efyo aba. Icine cine. Lelo icintu conse ico cicicita mwana wa kumbo. “Ku fisabo fyabo eko mukabeshibila.” We bushiku we ubo tuleikalamo! Icine cine. Ine nshacetekela...ukwishiba cena cilanda ifyo, umusango wa fyakufwala ufwala, nefyaba ngefyo. Lelo, we mwanakashi, bushe nawiluka ico ulecita? Uleipanga we mwine icishibilo ca kulungana no muntu onse uwa kale uwa bucintomfwa uyo wisa. Lelo mulefwaya ukulubulwa. Cena cilelangisha umusango wa mupashi uuli muli iwe. Ulefwaya ukuba umuntungwa ukufuma ku Chalichi, umuntungwa ukufuma kuli Kristu, umuntungwa ukufuma kuli Mupashi wa Mushilo, pakutila iwe wingekala nga bonse abashala. Ico tacilefumyako Branham Tabernacle. Cena cilebikako Branham Tabernacle, bonse! “Bonse balibembuka nokupelebelu ku bukata bwakwa Lesa.” Ifwe tuli pano. Oh, ifyo bwaba ubushiku! Ifyo yaba inshita!

¹⁰⁴ Kabili alitenshiwa. Kabili aliloleshe, kabili kulya pa cibumba pali iciputulwa ca kuboko kwa Muntu. Kabili Kwena kwalelemba pa cibumba, “MENE, MENE, TEKEL, UPHARSIN.”

¹⁰⁵ Oh, bonse batendeke ukutamba uyu Godfrey wa muno nshiku uwakwete ukulumbuka nganshi. Nicinshi cilubene na ena? Ena ali uwasunkanishiwa, mucine nganshi. Ena naiminina...Baibele itila, “Amakufi yakwe yaleipuma capamo.” Kabili icintu cimo calicitike. Cinshi? Alifililwe ukucumfwa cena. Atontonkenye ukutila tapali nangu umo uwingafika kuli ena.

¹⁰⁶ Lelo Lesa kuti aisa kuli iwe, te mulandu uko uli. Alikwishiba. Alishiba imilimo yobe.

¹⁰⁷ Eico atila, “Kulifye icintu cimo icakucita, ico, kwita kakumba.” Eico aile nokuya bula kakumba, na kadino, ba bishopo mukalamba, naba papa aba chalichi cakwe. Kabili ena abaletele bonse mukati. Atile, “Ni cinshi ici cilepilibula?” Nomba muli nokumona America mupya. Bena tabaishibepo nangu cimo palwa maka yacilapo, eico bena bafililwe ukukutuluka ico.

Lipalwe i Shina lyakwa Shikulu!

¹⁰⁸ Bushe kuti mwatwishika, lyena, nga bena kuti baita u Mupashi wakwa Lesa uwa mweo, “Kabuka, nangu iciwa”? Bena tabaishibapo nangu cimo palwa maka yacilapo. Bonse balipombwa mu cilonganino cabo. Tabaishiba nangu cimo palwa Ico. Bena batila, “Oh, ico kubelenga amano panono.” Lelo icilembo cili pa cibumba.

¹⁰⁹ Acitile ico cishibilo pa cinso ca mu Yuda, ukupitila mu kwisala icabo. Acitile ico kumenso yabena Samaliya, lelo te Benafyalo. Mulandu nshi? Ali nokulolela mpaka imembu sha bena Amori shatulike.

¹¹⁰ Nomba icilembo cili pa cibumba, kuli ifwe. Ni cinshi ico balecita? Bushe baleumfwa kuli Cena? Iyo, mukwai. Bena baleya fye na Arthur Godfrey, na Elvis Presley, na Pat Boone, na bonse fye abashala. Abaice ba muno nshiku, imyaka ya bu musepela, ubunkalwe, ico ecintu cimo cine icali kulya, mu kulungatana.

¹¹¹ Kabili aletelemo bakakumba bonse, kabili batile, “Ukuba, ifwe, tatwishibe Ico. Limbi... Oh, ico limbi cinshingwa kuncende imo.”

¹¹² Imfumu yalikwete amano ayasuma ukucila filya. Kabili atile, “Nkapela umuntu onse iciputulwa ca bufumu bwandi, kabili Ndi nokumufwika, kabili Nkabika umunyololo wa golide pamukoshi wakwe, nga ena kuti ailula Ico.” Lelo bena tabakwete icabupe icakupilibula. Tabaishibepo nangu cimo palwa ico. Bacetekele ukutula inshiku shafisungusho shalipita.

¹¹³ Bushe balya te bakashimikila besu abapya? Bushe balya te bakacefya besu, ba bishopo besu? Bena tabaishibapo nangu cimo palwa maka ayacilapo. Ulya e mulandu wine bena kuti baita u Mupashi wakwa Lesa uwa mweo, “Umulimo; ukubikwa.”

¹¹⁴ O mwe Lesa, beni abaluse ku nkulo ya bucende kabili iya kowela ileonaika ukufuma pa cinso ce sonde.

¹¹⁵ Ulya ali palya. Ena acili alekonkonsha amakufi yakwe capamo. Kwali icintu cimo icalubene. Alishibe ukutula kwali icintu cimo icalubene. Oh, kwali icishibilo icamaka yacilapo. “Musango nshi Cena caingile umu? Nikwisa uko Cena cafuma?” Cena cafuma mu Mulu. Cena cabwelele panshi, apo apashali ifibumba. Cena kuti caingila mukati.

¹¹⁶ Kabili, ileelo, twalishana ukuya kunuma na kuntanshi. Twalitwala abana besu ku fitunshi tunshi nama pulogilamu

ayashafumishiwamo ifintu. Twalileka ififulo fyesu nama tebulo yesu ukuba ayaisulamo ayakale ayafiko, amalyashi yakutemwa ukwa bulalelale, mucifulo ca Cebo cakwa Lesa. Takwabako umwana muli uno umusumba, lelo uwaishiba ifingi palwa kwa Arthur Godfrey, nangu Elvis Presley, nangu Pat Boone, nangu David Crockett, ukucila ifyo baishiba pali Yesu Kristu. Cilya cintu catambalala, lelo cena cili, oh, cishinka nganshi.

¹¹⁷ Tecakupapa ukutla kuli ukupona ukufumako! Kabili cinshi ico abakakumba baishiba? Tabaishiba icacilenga cena. Ebacilengele cena.

¹¹⁸ Kabili ulya ali palya, naiminina; eico na Beleteshasa ewalengele ico, ukuleka ubufumu bwakwe ukuba mu cifulo ica musango ngoyo.

¹¹⁹ Kabili, ileelo, muli fyonse ifi fintu ifyo tulepitamo, twatontonkenye ukutla twali abacingililwa. Tutontonkanya ukutla, “Ifwe twaba icalo icisuma kabili icikalamba pesonde. Twalikwata sayansi yonse pano.”

¹²⁰ Kabili Beleteshasa taishibe nangu cimo, ukutla ena takwete bonse aba sayansi. Kwali icalo icaloitwa ba “Medes-na-Persia,” balikwete umulimo wa sayansi, pamo (Ico icili nomba ba Medes-o-Persia, nangu ba Mwenye, aba Hindu aba mu India, nga fintu munyina alandili fye; bena mukulekelesha baile, bakolongene mu India, nga aba Hindu, ba Medes-o-Persia.), kabili mu fya sayansi balisangile inshila iyo bengapitamo umumana wa Yufreti. Bena bafililwe ukupita mucibumba, lelo balitolweke umumana, kabili baleisa pesamba lya mpongolo. Sayansi ilebomba ku cifulo cimo. Umukalamba, icalo cabula umupashi ica busenshi pali ilya nshita, kabili Lesa abikile icishibilo pa cibumba, ukubaleka ukwishiba ukutla inshiku shabo shalipwile.

¹²¹ Kabili Lesa alibika icishibilo pa cibumba cesu kabili ukusefya kwesu ukukalamba ukwa kushana kwa kuya kuntanshi nakunuma, kabili kuli icakumwenako icalepupuka mumulu ukupita mumakumbi. Oh, twatontonkenye ukutla twalikwete fyonse, bushe tatwakwete? Twatontonkenye ukutla twalicishibe conse. Lelo Russia, umwabela sayansi yesu, caba imyaka isano ku ntanshi yesu. Kabili ilyo twakwanisha, mu myaka isano, bakaba imyaka ikumi ukutali munshila imbi. Lesa aleleka icalo icishakwata umupashi, ukuleka abantu abashipepa lesa abo basendele abo bakasambilila ba fya sayansi aba Yuda kulya, kabili bali kuntanshi sana ukucila pali ifwe. Tuleposa inshita yesu ku mwangashi, abanakashi, ne nshita iikalamba. Kabili balebomba akasuba no bushiku, ifya kutulepaula. Tapali icintu nangu cimo icingabalesha ukucita ico ino ine nshita. Lolesheni, imibele tubelelemo, mu calo conse.

¹²² Muleibukisha ulya cilolo uwa bashilika? Munyina Roberson na Ine twalelanda mailo. Bali mwipwishe, umo uwa ba sayansi

abakalamba. Atile, “Nshilefwaya iwe ukutinya abantu, lelo Ndefwaya iwe ukutweba icine. Bushe kwalibako ubusanso?”

“Panshita iili yonse kuti cacitika.”

¹²³ Icintu fye cimo, tuleibepafye umu nomunankwe. Twalyambwishe umunshinga wesu uunono, kabili kashimine, ama futu yatatu ukufuma pa mushili. Nomba twalyambwishe na umbi umu, kabili uleshimafye. Mulandu nshi? Twalyonaula amano yesu na fwaka, na banakashi, na whiskey, ne nshita iikalamba, kabili tacasekesha Lesa uwa ku Muulu. Kabili Amalembo yalisobela ukutula Russia akacicita. Nipesa tuli? Tuli pa mpela. Icalo conse ciletina imfwa. Ndecetekela ukutula kuti bateyanya umunshinga, nombamba line, nokonaula icalo conse. Munshita ya maminiti yasano, ena teti abe nangu cimo lelo ubunga, kabili ukubwelela ku myela iyo mwalimo mukutendeka. Bena kuti bacita ico.

¹²⁴ Oh, twalikhwata amalila yakushana ukwakuya kuntanshi nakunuma. Twalilaba kuli Lesa. Twaliya apakalamba nganshi pacitunshi tunshi, apakalamba nganshi kwisonde. Kabili balepekanya inshita yonse, pamofye nga ba Medes-na-Persia. Kabili nombamba icakupapusha na cisa, kabili icilembo cili pa cibumba; te pa cibumba, lelo mulwelele. Kabili nombamba bonse twalisunkana. Oh, ee. Sayansi yesu iya nombamba yalisunkana. Icalo cesu calisunkana. Cena kuti cacitika ilyo uku ukulongana takulaisalwa.

¹²⁵ Lelo Ndefwaya ukutula mumone na cimbi. Ndefwaya imwe ukwibukisha ukutula ilyo bena bacili muli ilya mibele, pesamba lya cilye cishala ica bucakolwa, kwaliko na mfumu umunono. Ena taliko kumalila kwa kushana kwa kuya kunuma na kuntanshi. Ena limbi ali kunse alebelenga ubusesemo bwakwa Daniele. Tali kulya aleibimba mu lubemba lwabo. Kabili ukwisa alebutukila mukati. Lintu imfumu tayaishibe icakucita, aishile alebutuka ukwingila. Kabili atile, “Oh, we mfumu, ukabe nomweo inshiku pe! Ninjishiba imwe bonse namusunkanishiwa. Imwe bonse muli abacushiwa. Kabili kakumba wenu, kabili takuli bampanda mano yenu, papa wenu, kabili ba kadino benu, kabili na bantu benu aba mu musumba, kabili bakangalila benu, tapali nangu umu pali bena uwingamwilwila. Lelo eko ali umuntu, eko ali umuntu mu bufumu bobele, alishiba ica kupapusha.”

¹²⁶ Oh, libe ilya palwa i Shina Lyakwe! Ichalichi, kuliko u Muntu mukati kesu, ileelo. Ena kuti abelenga ica kupapusha, kabili Ena kuti alemba ica kupapusha. Kuliko u Muntu. Oh, Ndesubila ukutula muli no kumukumanya Ena. Ndesubila ukutula Ena ali no kwingila mu mutima wenu ino ine nshita. Ena akalanda kuli imwe mwe banakashi. Ena akalanda ku yenu . . . imwe mwe baume, kabili akamuleka imwe ukumona imibele iyo mulimo. Ena e Umu fye Uwingabelenga imibele yobe.

127 Ine kuti nashimikila mpaka ishiwi lyandi lyapwa. Ine kuti nabilikisha mpaka ifilamba fyafimba pa masaya yandi. Cena teti cicite icisuma, pantu Ndi muntu fye.

128 Lelo kuliko u Muntu. I Shina Lyakwe ni Yesu. Ena kuti amweba ifyo *Ici* cilepilibula. Bushe teti ufumeko nokulanda na Ena panonofye?

129 Bupilibulo nshi ubwa ifi ifyakumwenako mulwelele? Cinshi cacitika? Bushe uyu Babyroni wa muno nshiku ni cinshi, ukutila tuleesha ukupanga mashini iinga tutwala ku mweshi? Tamwakacikwate cena. Cena conse cili pali cinshi? Sayansi tayaishiba. Bali mucifulunganya nganshi nokufwaya icintu cimo, kabili tabaishiba ifyo caba.

130 Lelo kwaliba u Muntu. Kwaliba u Muntu Uwaishiba ifyo conse cili. Ena e Ulya Uwalemebele ici *Apa*. Alishiba ifya kubelenga ici Cebo. Oh, Alishiba ifyo Cipilibula, pantu Alikwata EFYA SOSA SHIKULU. Alicilaile. “Imilimo iyo Ncita na imwe mukacita. Nga bena ba Njita, ‘Belesebuli,’ cilolo wa ng’anda, cipulemo ifyo baketa aba ng’anda Yakwe!”

131 Icilembo cili pa cibumba; ifyakumwenako fya mulwelele. “Ifinkukuma ifikulu fyonse; impili sha mulilo shilefuma; amabimbi ya menshi yaleonaula imilonga.” Nicinshi ico cicitika? Ifishilwa. Te mu myulu fye yeka, lelo na pe sonde. “Kukaba ifishibilo mu mulu nape sonde. Imitima ya bantu ukupona umutombo.”

“Oh, tatwishibe ifyakucita.”

132 “Ifyakusunguka fya nshita; ifyakutintana.” Bushe finshi ifyakutintana? Ifyakutintana pakati ka fyalo, fyonse pali fyena. Leken fye umushili umo upupuke, ico cicita. Nicinshi ico cicitika?

133 “Kuliko umwaume uwinga cilula.” Alile nokusenda uyu mwaume.

134 Lesa mpeni amaka muno lucelo, Lesa mpeni amaka; ayakuleta ulya Muntu icakukabila cenu ileelo, ukumuleta Ena kuli imwe. Ena e Umo uwingapilibula umulandu obe. Ena e Umo uwingakweba apo wapangile icilubo cobe. Kuti acita. Umo kuti amweba uko walekele. Wene Uyo uwingamweba uko mwingatendeka.

135 Kabili aile nokuya leta Daniele, abakumwimininako Lesa. Kabili aendele ukuya.

136 Bushe kuti mwaenganya kasesema uwa mushilo ukusosa, “Oh, mwe mfumu, Ndi uwacindikwa ukuba kuno. Oh, nga kuti Nalandafye icintu icalungama, Ndi nokukwata ulya munyololo wa golide”?

137 Oh, imwe, bushe kuti mwamona apo cibebele, ileelo? “Nga kuti Natekunya amatwi yabantu bandi, talusheni ifi fintu. Nshilesakamana ifyo bena bacita; bena balalipila icikalamba

mu—cipao. Bena balacita *ici, ico*, nangu *cimbi*. Tukakula ichalichi ilikalamba ilikulu, no kubika umupeto ukalamba pali ilyo. Tukapanga *ici, cilya*, nangu *cimbi*.”

¹³⁸ O mwe Lesa, beni abaluse kubantu bamusango ngoyo. Mpeleni Icine. Ee. “Oh, nga twalanda icintu icili conse nga Ico, munyina, abesu—abantu besu kuti baima nokufuma panse.” Bena tekuti nga batemwa Lesa. Bali nokutemwa ukumfwa Cena.

¹³⁹ Umuntu uwa cine uwakwa Lesa talolesha *uku* lubali na *kulya* lubali. Talolesha ukumona nga cakutula umuntu umo atila, “Ico cisuma. Ulecitafye bwino.” Nangu ukumona nga cakutula umuntu umo atila, “Oh, iwe nga tawacitile ico.” Ena tasakamana ifyo muntu uuli onse alesosa. Alesangalala pa cibusa ca Mupashi wa Mushilo, kabili alelolesha fye kumulu na kuntanshi. Ena tasakamana ifyo kashimikila alanda, nangu ifyo abantu bambi balanda. Aleipakisha ibumba ilya Uyo Uwa mutumine. Ico nacilungama. Ena aba fye uwakusekesha Umo.

¹⁴⁰ Lolesheni pali *ici*. Atile, “Oh, Beleteshasa, iwe nga walishibe bwino ukucila pali *ici*. Bushe tamwaishiba shinwe, Nebukadinesa...” Uyo, mucine ali ni shikulu wakwe. Atile, “Bushe tawaishiba wiso...” Ico, cali kupyanihapo kwa shamfumu. “Beleteshasa, bushe tawaishiba bwino? Mwakwete ica kumwenako kunuma kulya, kufyo Lesa acitile kuli wishinwe ilyo aishilekula umutwe, ukuntontonkanya kwapa mulu, kabili nokuleka ubufumu bwakwe bube ngefyo. Iwe naukwatera icakumwenako ico Acitile.”

¹⁴¹ Kabili eico namukwata icakumwenako ico Lesa acitile kuli abo abashaendele abalungama kuli Ena. Ifi te fintu ifyankama. Iyi te Mbila iyakosa. Cena Cishinka. Walikwata icilangililo. Walishiba ifyo Acitile kunuma kulya, ku banakashi abo aba shanine kucinso ca tulubi. Namwishiba ifyo Acitile ku baume abo abakonkele abanakashi abaibela. Mwalishiba ico Acitile kuli bacakolwa, na baume abalala na baume banabo, naba pondamikwa aba mu Sodomu. Te cintu iceni. Mwalishiba ifi fintu.

¹⁴² Atile, “Imwe nga mwalishibe ico. Ico apo icilangililo cenu, kuli ba shikulu. Lelo, nomba, ubu e bupilibulo bwa kulemba, ‘Lesa napenda ubufumu bwenu. Na mulingwa mu cakulungo kufina no kusangwa aba bulisha.’”

¹⁴³ Oh, nga kwalitala ukubako inshita ilyo ba Methodist, ba Baptist, ba Presbyterian, ba Lutheran, ba Pentecost, nabapimwa mu cipimo, mu cipimo cakwa Lesa, kabili basangwa ukutula balibulisha! Bena balita u Mupashi wakwa Lesa wa mweo, “Icintu icishili camushilo.” Bena balisula imilimo iya kusenamina. Bena balikonka ama chalichi ayakalamba notubungwe. Imwe ba Assemblies of God, imwe ba Church of God, imwe bonse, imwe ba umo, kabili ba lesa patatu,

ba Baptisti, Presbyteriani, Katolika, mwalishiba ukutila mwalibwekela ku Babyroni. Mwalikwete icilangililo ica cilya.

¹⁴⁴ Kabili ino Branham Tabernacle yalishiba ukutila imwe mwalisokelwe pali filya fintu, imyaka yapitapo, lelo nomba namupimwa pa fipimo kabili mwasangwa ukutila namubulisha: ukukansana, ukulwa, ukusunga ubukali, no kutalikana. Muletontonkanya ukutila Lesa kuti abomba muncende yaba nga ilya? Tatala. Mwachimona ico.

¹⁴⁵ “Abashisakamana, ababula umushilo, ababula ukutemwa ukwa cifyalilwa, bakatoba wafipangano, ababepesha ubufi.” Bulya e bushiku ubo tuleikalamo.

¹⁴⁶ Lelo ibukisheni, atile, “Mwalishiba ici.” Lelo inshita imo ine, Daniele alepela ubusesemo bwakwe nokweba ilya mfumu. Bushe kuti mwaelenganya ena ukuciwaminisha ukushinguluka, ku kukwata umunyololo wa golide? Bushe kuti mwaelenganya umuntu wakwa Lesa ukumfwana na ciwa, ukuba uwaishibikwa? Nakalya.

¹⁴⁷ Imwe kuti mwakwata ifitunshi tunshi fyenu, ubutantiko bweni. Kuti mwakwata amachalichi yenu ayakalamba. Kuti mwakwata conse ico mulefwaya. Leken mbe uwaishibikwa, mwe Lesa, lelo lekeni mbe uwacishinka na Mupashi wa Mushilo, ukulanda Icline. Nshilesakamana icili no kucitika nangu ico cileya. Ifwe natukwata icintu cimo icakucita, ico kubomba umulimo uwa kwa Shikulu wesu uwapalwa.

¹⁴⁸ Lelo tuli pano. Tuli muli buno bushiku, kabili cili pali ifwe. Takuli nangu cimo icingacitwa nomba. Twalitoloka umushilwa. We mibele we! Icalo cilelongana mu lubembu nobuwelewele. Icilembo cili pa cibumba. Umupashi wakwa Lesa ukuisokolola Uwine, kabili abantu balebwelelamo nokutila, “Cena ni Belesebuli.”

¹⁴⁹ Yesu atile, “Alandile...landa ifyo ukulwisha Ine, Nkakwelela. Lelo ilyo Mupashi wa Mushilo akesa, nangu icebo cimo ukususha Cena tacakatale ukwelelwa, muli ili sonde nangu isonde ilileisa.” Icakumwenako icisuma ica ico pa Pentecosti, panuma ya Pentecosti; kabili nomba lintu Tito, mu 96, asendele ifibumba fya Yerusalemu; ilyo bakene imbila. Mucine.

¹⁵⁰ Ifwe tuli pano. Kabili panshita fye imo ine ilyo busesemo bwapelwe. Umfweni nomba, mukwisala. Ilyo ubusesemo bwalepelwa, cinshi cacitike? Cinshi cacitike? Inshita imo ine ilyo ubusesemo bwapelwe, ba Medes-na-Persia baleisa pesamba lya mpongolo. Bakalinda be tempele balipaiwe. Bakalinda ba ng'anda ya bufumu balipaiwe, mu misebo.

¹⁵¹ Ukumfwa. Panuma ya maminiti ikumi, abo banakashi abaice aba muno nshiku, abasuma, balya abanakashi bamuno nshiku ukutaluka ku tunya twabo na bana, cinshi cacitike? Cinshi calecitika? Nga balipumwa mu misebo. Ukubakowesha kuba

shilika. Amafumo yabo ukwisulwa. Kabili umusebanya uyo waletelwe pali bena, pantu balifililwe ukumfwa. Lelo cali ukutali nganshi.

¹⁵² Umfwa, cibusa. Takuli nangu cimo pali iyi ine nshita, mu maminiti amakumi yabili na yasano ayakonkapo, nangu amaminiti ikumi, pakutla Russia atume satelaiti wakwe no kupita pamulu wa ici calo, ukukansha umunshishinga wa ciko, ukutla, “Cimba, nangu mu ma miniti yabili tawabe nangu cimo lelo ulukungu.” Bena kuti bacicita ino ine nshita. Tontonkanyeni pali cena. Bena kuti bacicita ino ine nshita. Ni cinshi icingacitika? Indeke iyalonga ifipe panuma ya ndeke yalonga ifipe, icoombo calonga ifipe panuma ya combo calonga ifipe, ifya bashilika baba kommunisti, kuti baisula mu mpanga shesu, kuti basenda abakashana besu no kubatwala mu musebo, nokubacita nge ng’ombe, ukupisha ulupanga mukati kabo. Ukuya mu mayanda yesu no kusenda abakashi besu, nokupola umutwe wa mwana ku cibumba, ukulungana na banakashi besu. Walanda icintu cimo? Caba cabo.

¹⁵³ Mwatila, “Bushe Pentagoni wesu ali nokucimba?” Mucine, kuti acita ico. Ico kuti caba icintu fye icamano kuli ena ukucita. Ena kuti acicita. Nga tacicitile, teti tube nangu cimo lelo ulukungu mu ma miniti yanono. Kuti twakwatako limbi ama ora yambi ayanono aya bumi, lelo we kwipaiwa we!

¹⁵⁴ Cinshi? Kuti limbi balelonga indeke nomba line. Amato limbi kuti yaba pa cabu. Nomba line ifi fintu ifyo tulelandapo kuti fyaba ifya cine. Takuli nangu cimo icisheleko, kuli cena ukucitika, ukuleka cena ukucitika ukulingana nobusesemo. Ifwe tuli pano. Kabili umulungu uleisa tamwishibe imibele mwingabelamo. Icilembo cili pa cibumba. Ifwe twalipimwa pacakupiminwapo kabili twasangwa nomulandu.

¹⁵⁵ Nomba, nga cakutla ifi fintu fya cine, kabili mulemona ukutla fyena fya cine, lyena ninshi kupaleme shani u Kwise kwa Shikulu? Muno bushiku, Ndefwaya ukutwalilila. Cinshi? Nikwise uko i Chalichi cikaba ilyo ici cikacitika? Nomba, imwe mwebalengwa ukutontonkanya ukutla i Chalichi cikapita mu Kupakaswa, mwise nokumona. Nga cakutla ici cili icapalamina nganshi, nga cakutla ubu ukonaulwa nakupalama nganshi, u Kwise kwakwa Shikulu kuli mupepi shani? Pantu cena cikacitika ilyo i Chalichi tacilati. . . Ilyo roketi imo tailauma pali cino calo, i Chalichi cikaba mumaboko yakwa Kristu, nokuya. Tuli pa mpela. Kuti cacitika inshita iili yonse.

Natupepe.

¹⁵⁶ Ndefwaya abantu abatontonkanya mukushika muno. Ndefwaya abo abali. . . icine cine abeshibe ukutla ulya Muntu acilalanda kuli imwe muma mineti ayanono ayakulekelesha. Ukutla, “Ee, Nalilufyanya. Kabili Ndefwaya ukuba uwalungama, na ulya Muntu, pantu Ena fye Eka e Wingabelenga

ici cilembo. Ndefwaya ukuba uwalungama.” Bushe kuti mwaimya fye ukuboko kwenu? Ukutla, “Mpepelako, Munyina Branham.”

¹⁵⁷ Lesa akupale, mukwai. Lesa akupale, namayo. Lesa akupale, mukwai. Lesa akupale, we mwaume wacaice. Lesa akupale, namayo; iwe, iwe. Ico nacilungama. Lesa akupale. Lesa akupale, mukwai. Lesa akupale, na mayo wacaice. Lesa akupale, we mwanakashi wacaice. Lesa akupale, mukashana. Lesa akupale, we munono kunuma uko, mukashana umunono umusepela. Umulumendo umunono, Lesa akupale. Uli fye mukupilibuka kwa bumi.

¹⁵⁸ Oh, cena kuti cacitika, kabili cena cili nokucitika. Cifwile ukucitika. Kabili ishi iminofu ishi shakosa isho uleendelapo shili nokuputuka, wemutemwikwa. Kabili umweo obe uulanda uwabula amaka, cinshi icili nokucitika kuli iwe? Inshita tayakabepo nakabili. Inshita lyena ikasuntinkana mu Muyayaya. Icilembo pa cibumba; icishininkisho ca sayansi. Baleesha ukufika ku mweshi, nga fintu bacitile mu Babyloni. Ifintu fyonse filebwekeshapo. Lesa uwa ku Muulu teti Ekale tondolo nakabili. Yena ninshita. Lilali? Nshishibe; lelo yena ninshita.

Bakasesema babufi balebepa, Icine cakwa

Lesa balekana,

Ukutla Yesu uwaba ni Kristu e Lesa wesu;

Shilya inshiku sha Benafyalo shalipendwa, ne
fyakutinya ifingi;

“Bweleleni, O mwe basalangana, ku mwenu.”

Ubushiku bwakulubulwa nabupalama,

Imitima ya bantu ilefilwa ku mwenso;

Beni abaisushiwa no Mupashi, inyali shenu
ishawamishiwa kabili ishabuta,

Lolesheni mu mulu, ubulubulo bwenu
nabupalama.

¹⁵⁹ Inshita naipwa ukucila ifyo uletontonkanya. Bushe tekuti nombaline, pesamba lyakushininwa, nga cakutla waumfwa ukutla iwe naulufyanya; Nshilesakamana inshita ubutali iyo mwaba muli lino ihema, Nshilesakamana ifyo mwakokola mu chalichi cenu, miku inga iyo mwalandila mundimi, miku inga mwashanina mu Mupashi; nga cakutla nakabili kuti mwamona icalo cilekobama pali imwe, iseni fye kuno pali miniti imo. Isa kuno, we impanga yaluba. “Bweleleni, O mwe basalangana, kumwenu.” Bushe kuti mwaisa kuno pali miniti fye, ukuleka miposhe mukuboko kwenu? Iminineni kuno, kabili lekeni tupepele capamo. Ndemwita imwe. Imenifye pacipuna cenu nomba nokwisa kuno; nga muli abasekelamo mwipepo lyandi. Ndemwita ukwisa.

¹⁶⁰ Ico nacilungama. Shikulu akupale, wemutemwikwa wandi munyina. Imininafyane pano pene pacipailo pakashita akanono.

Lesa akupale, namayo. Lesa akupale. Lesa akupale, munyina. Lesa akupale. Lesa akupale, munyinane. Lesa amupale, bonse babili. Lesa akupale, munyina. Lesa akupale. Imininafyane pano pene pa cipailo nomba. Lesa akupale.

¹⁶¹ [Pali tepu tapali amashiwi—Kale.] . . . twacikata nomba line. Nga cakutula tuli beni kuli umo nomunankwe, imyako ukuboko kobe. Ico ecaba icalubana pamo naiwe, teifyo? Nacilungama. Naukwata icicetekelo. Wafuma ku Kentucky. Lesa akupale. U Mupashi wa Mushilo!

¹⁶² Lesa akupale, namayo. Lesa akupale, namayo. Lesa akupale. Lesa akupale, namayo.

Ubushiku bwakulubulwa . . .

¹⁶³ Lesa akupale, na mayo. Lesa amupale, imwe bonse babili. Lesa akupale, munyina. Lesa akupale, nkashi. Lesa akupale. Lesa akupale, nkashi.

[Pali tepu tapali amashiwi—Kale.] “ . . . kubelenga amano?”

¹⁶⁴ Nga ulya te Mupashi wakwa Kristu, Nshishibe uko Ubelele. Cinshi ico mulelolela no kulolela lyena? Bushe tamulemona ukutula Ni Ena? “Ifintu ifyo Ncita, naimwe mukacita pamo.” Kabili ici cali cishibilo cakupwa kwa nshita. Kutikeni kuli Cena, muno bushiku, nokusanga nga cakutula ici te cishibilo cakupwa kwa nshita.

¹⁶⁵ Iseni, bushe mwalaisa? Imwe mwebalecetekela ukutula Lesa nalanda ku mutima wenu, muno lucelo, ukutula, “Iwe ulingile ukuba ne nsoni pakucita ifintu ifyo wacita,” bushe uli no kuya panse?

“Ukuba,” wabila, “Ine kuti napata nkashi yandi—yandi ukumona ine.”

¹⁶⁶ Nga palwa kwa Shikulu obe? Oh, ulefwaya ukupusuka, taulefwaya ukuya kumbo yakwa ciwa, lelo teti umupokelele Ena nga Shikulu obe. *Shikulu* ni “kateeka.” Shikulu eutungulula fyonse. Imwe mulefwaya ukukwata umweo wenu uunono uwamubumfisololo. Iwe ulefwaya ukwikala ubwikashi bwa bwina Kristu munshila ulefwailamo, lelo iwe teti wikale munshila Alefwailamo iwe ukucita. Lekeneni Ese mu mutima obe. Kabili tila, “Oh Na—Na Muleka mu mutima wandi, Yesu, nga Kapususha wandi, ee; lelo Nshatala Mileka ukukwata ubutungulushi, pantu Nalefwaya ukucita panono nge *fi*. Ndefwaya ukuba uwamuli shino inshiku.” Oh, Ena te Shikulu obe, cibe. Elvis Presley no mupashi wakwa Godfrey wena ucili naukwikata; ciwa. Mucine. Bushe tamwise uko Kristu aleenda? Mwamona u Mupashi Wakwe.

Umupashi Uusuma, pita pa mweo wandi.

Pa mweo wandi . . .

¹⁶⁷ Bushe teti mupepe? Ninjishiba muletontonkanya ukutula Ndi...icintu cimo na cilubana na ine. Lelo, ilyo Namona ichalichi, kabili abashisakamana aba chalichi! Cinshi ico muletontonkanya cingacitika nga—nga George Washington, mubushiku bwakwe, nga alimwene icintu cimo cine ukucitika ico cicitike fye kuno kwine? Cinshi ico muletontonkanya abantu abalungami, na bantu abakalamba aba myaka yapita, nga bacitile? Ilyo Charles G. Finney apundile ishiwi limo, “Lapileni nga teifyo konaika,” kabili abantu bafwile umutombo mu musebo.

¹⁶⁸ Kabili, ileelo, Mupashi wa Mushilo kuti abika icilembo pa cibumba, nokuilangisha Umwine ukubapo, na bantu nabekala palya nokulolesha ukushinguluka, abanakashi? Oh, cena kutalala. Lelo ibukisheni, “Ngefyo cali munshiku shakwa Noa, kwali abali cine konse konse ukupusushiwa, eico efyo cikaba pakwisa kwa Mwana wa muntu.”

¹⁶⁹ Ubwite bwenu buli, “Iseni.” Ndemwita ku cipailo pamo na bashala. Nga cakutula nawishiba ukutula walicita icilubo, mulandu nshi tawingeshila? Iminina pano, langisha Lesa ukutula uli uwakabila ukubombelapo. Lelo nga Mupashi wa Mushilo tekuti, lyena Ninjishiba ukutula teti Ncete.

Eico natukontamike imitwe yesu nombamba.

¹⁷⁰ Ndefwaya ukupela ipepo pali uyu namayo. Naimya ukuboko kwakwe pa muulu, apa pa busanshi.

¹⁷¹ Nkashi yandi, Yesu Kristu kuti apususha umweo obe, muli ubo ubukote, mwamona. Bushe naucetekela ukutula Ali nokucita? Kabili walishiba ico? Nga Ndi mubomfi Wakwe... Atile mu Cebo Cakwe, “Landa kuli ulu lupili ukutula, ‘Sela,’ kabili witwishika, lelo ucetekele ukutula ifyo ulandile fileisa mukufikilishiwa, kuti wakwata ifyo walanda.” Bushe uli noku Mubombela mumweo obe onse? [Nkashi atila, “Ndi no kucita ico.”—Kale.] Pela inshiku shobe shonse kuli Ena eka.

¹⁷² Shikulu Lesa, ilyo Naikata ukuboko kwa uyu mwanakashi uyu ulele apa, alefwa, limbi teti akwanishe nokupwisha ukulongana kwa muno bushiku ukwakundapwa nga Tamumwafwilishe. Ndemumona ena ukuba uwanaka nganshi icakuti tekuti eminine; alingile ukulambalalako. Kabili nombamba Mwatile, “Ipepo lya citetekelo likapususha abalwele. Lesa akabemya.” Napepa ukutula Mwalaundapa uyu namayo nombamba line. Kabili mumutima wandi uulanda, nga fintu Naishiba u Mupashi Wenu uli pano, Ndelanda ku bulwele ubwamu mubili wakwe, “Fumapo, mwi Shina lyakwa Yesu Kristu, pakutula nkashi yesu engaba no mweo.” Ukufuma pali ino nshita, lekeni ukucula nokunaka fiye. Leken iabe bwino, ku bukata bwakwa Lesa. Ukupitila mwi Shina lyakwa Yesu Kristu.

¹⁷³ I Cebo nacilandwa. Amatontonkanyo yandi nobwiminishi, ukukonkafye nefyo Naishiba, fili ifyalungama. Nombamba, ico

tacaciba nine; uyo aciba ni Ena. Nomba, Ine kuti naya pa mulimo wandi, ndesangalala. Ukulaba umuntu onse umulwele. Ima, no kusenda ubusanshi bobo, kabiye ku ng'anda, ulesangalala. Wikale ku kulongana, muno bushiku, umone Shikulu Lesa.

¹⁷⁴ O mwe Lesa, ukwiminina mukati ka ino ora ya mfwa, imfwa kulubembu, imfwa kuli bucaibela, imfwa kumalwele, ukuya kwa malwele; u Mupashi Wenu uukalamba pano, ukupilibula imibele yabo! Ndepepela aba abeminine pa cipailo, abo abaishiba ukutila ifilembo pa cibumba fyalishininkishiwa. Bena tabalingile ukusenda icebo candi pali cena. Bena nabakwata i Cebo Cenu nomba. Bena balikwata ifyasosa fyamwi pepala lya lyashi. Bena balikwata ifyasoswa ifya bantu ba sayansi. Kabili twalishiba, kuli Imwe, ukuba Lesa umulungami, Imwe teti muleke Babyloni ukuya mu mibele yabo ukwabula ukubapela ubupingushi bwabo, kabili nangula Imwe ukutuleka ukuya ukwabula ifwe ukusenda ubupingushi bwesu.

¹⁷⁵ Kabili tulepepa muno lucelo, Taata, ukutila aba abeminine pano bakafulumuka ukufuma kuli bulya bupingushi, ilyo baleisa mu mutende mwi samba lya maboko ya kwa Yesu. Ilyo baleisa mukumfwa ku Muntu uyo wingelula ifya bumupashi, ifyakupapusha. Nabomfwa i Shiwi Lyenu ukulanda, kabili nabesa mukumfwa kuli Imwe. Lintu Mwachilanda, bacima ukufuma pa cipuna cabo. Bacisa. Tabali nensoni. Bamo pali bena, Shikulu, bena Kristu pa nshita iitali, lelo tabali—tabali nensoni shakulanda ukutila baliba mucilubo. Kabili Mwatile, “Nga muli nokupela ubunte Bwandi ku bantu, ena Nkamubelo bunte ku cinso cakwa Taata naba Malaika ba mushilo.” Beni Abaluse, O mwe Lesa wa Muyayaya, kabili peleni u Mweo wa Muyayaya kuli aba abale Ufwaya nomba. Leken iimitima yabo iyawama isendwe nobusuma bwakwa Lesa. Nabapela kuli Imwe, Shikulu.

¹⁷⁶ Bena nabacita icintu cimo ino ine nshita ico catoba amafunde yonse aya sayansi. Bacima pacipuna cabo nokwenda ukwisa kuno. Amaboko yabo yacima mu mulu; ukulangisha ukutila mwaliba umupashi muli bena, uule enda. Kabili ulya umupashi uubensha, uli uwashininwa, ukupitila mu Cebo cakwa Lesa, ukutila baba mucilubo. Imicitile yabo naishininkisha ukutila bena balishiba ukutila balilufyanya. Kabili bali abaicefya kabili abamucinshi uukalamba, abamucinshi, ukwisa ku cipailo, ukusumina ifilubo fyabo nokulomba ubwelelo. Imwe tamwabakanine munshila iili yonse. Peleni, Shikulu, ukutila cila umo engesushiwa nomba no Mupashi Wenu. Mwi Shina lya Mwana Wenu, Shikulu Yesu.

Nomba ilyo tukontamiheko imitwe yesu.

¹⁷⁷ Ndeingililamo, imwe mwe beminine muno, muno lucelo, ukutila muleumfwa ukutila namucita icintu icalungama. Namwisa pakwitwa, te kuli muninenwe, lelo mwishile pakwitwa

kwa mukalamba, Lesa uwa mushilo. Kabili pamulandu wakutula mwalicita ici, kabili u Mupashi Wakwe nau mwita ukwishiba ukutula imwe muli mucilubo, kabili imwe mulefwaya ukuba abalungama. Kabili mwalipepa kuli Ena Uyo uwatile, “Ngo muntu abulisha amano, lekeni ena epushe Lesa. Ipusheni Taata icintu icili conse, mwi Shina Lyandi, Ine ndi nokucita ico.” Ukwisa no mutima uwabufumacumi, icicetekelo cenu cishintililafye pa Cebo cakwa Lesa, bushe mulecetekela ukutula imwe nomba namupokelela ico mwipwishepo? Nga kuti mwacita, ne mitwe yenu iyakontamikwa, bushe kuti mwaimya fye amaboko yenu kuli Lesa, ukutula, “Ine nomba nacetekela.” Lesa akupale. Ico cisuma. “Ine nomba nincetekela ukutula Ninsanga ico Njipwishepo.”

¹⁷⁸ Leken i uluse lwakwa Lesa lwimye imyeo yenu, ukupala imipashi yenu, no kumulenga Abakwe u Muyayaya, mu Bufumu, mwi sonde ilyo lileisa. Leken i ubwenu. . . Uluse lwakwa ulwa Muyayaya lwikatala ukumusha. Leken i Ena amusunge mu nshita sha kweshiwa. Kabili nga cakutula ibomba likalamba kuti lyauma, kabili nenshita iikalamba kuti yaisa, lekeni imwe mukekatwe mukusendwa kwa Chalichi Cakwe icapalwa, ukuba pamo na Ena umuyayaya.

¹⁷⁹ Imwe mwebali mwibumba, nemitwe yenu iyakontama, kabili kuti mwafwaya ukumibukishako mwipepo, nangu tawaishile lelo kuti watemwa ukwibukishiwa, bushe kuti waimya amaboko yobe. Bushe. . . Lesa akupale. Bushe mwalishiba. . . Monenifye amaboko, nainte pesenti iye bumba.

¹⁸⁰ Bushe muleiluka ukutula ino ni nshita ya kufwailisha? Ino ni nshita ilyo tulingile ukutufwailisha. Iyi kuti yaba i Mbila nsuma iya kulekelesha iyo inga shimikilwa. Ilyo imbila tailatampa muno bushiku, namwishiba, lilya ibomba kuti lyauma isonde. Takuli icintu ica kulicingilila ukufuma ku kucita ifyo. Yalipekanishiwa. Yaliteyanishiwa. Conse icilefwaikwa fye fya kunwa fye ifinono ifya Vodka, kabili apa kuti baisa. Kabili icintu fye cimo icicikatilila, ino ine nshita, kusenamina kwa kwa Lesa ukweshia ukuleta i Chalichi Cakwe capamo. Bushe tamwa ng’umfwe nga munyina wenu? Umfweni Amalembo, nga Kapususha wenu, kabili lekeni Kristu abe Kateka umukalamba mu mweo wenu. Peleni ici, ilyo tulepepa.

¹⁸¹ Pepeni nomba, cila umo, munshila yenu mwebene. Nga muli ba Baptisti, pepeni mumusango ba Baptisti bapepelamo. Tacipanga ubupusano nangu bumo. Imwe pepeni fye. Mutile, “Lesa abe. . .” Yena te nshita yakukansana ne filonganino nomba; ifwe twalipita pali ilya nkulo. Ifwe tuli. . .

Isa, munyina.

¹⁸² Ilyo twiminine pano. Tacili icalungama kuli kasabankanya wambila nsuma. . . Ico, takuli ukutwishika, panuma yakashita, kuli nokuba ulubatisho. Pa Mulungu we Pasaka Ndefwaya

ukuba kuno ku kubatisha ukukalamba. Kabili nga tamwatala pokelela Kristu nokwibishiwa mwi Shina lyakwa Shikulu Yesu Kristu, kabili mulakabila ukubatishiwa kukwibishiwa, ifwe tulemwita imwe ukwisa. Nangu ni ino ine nshita, nga mulefwaya, ifwe tuli abaiteyanya.

¹⁸³ Kakumba afwile nakwata icintu cimo icakulanda. Nalamwipusha ukupepa ili ipepo, ilyo tulelolola. Cisuma, Munyina Neville. 

58-0309M I Cilembo Pa Cibumba
Branham Tabernacle
Jeffersonville, Indiana U.S.A.

BEMBA

©2026 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalemwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org